

# Kloarmaakn

Het lik wal of 't mistig is boetn  
Der zit nen smerigen waas op de roetn  
Vlakk'n op de bekleeding van de bank  
Oonzelig bint de tegels in 'n gaank  
Het wod hoog tied dat'k an 't kloarmaakn begin  
Mer ja, ik heb vandaag nog gen zin.

Der lig ne loaw stof vuur de raam'  
Eigenlijk mor ik mi'j wa deep schaam'.  
De gedien' mok wasken dan wod ze wier lech  
Der ligt krömmels in de keskes van 't aanrech  
'k Zal eers nog is wat anders verzin  
Dan hoof ik nog nich an 't kloarmaakn te begin'.

De speen hef langetied gen ne buurt had  
Het filter in de wasemkap is zwat  
Spinköp jaagn in 't achterhoes en 'n stal  
Vuur op del schrobn dat mot ok nog wal  
Het zal rèègn vandaag en dan löpt zo in  
Dus is 't better dat'k ter nog nich an begin.

De dekns möt nor boetn 't is zunnig weer  
De muffige kast; deroet met de kleeer  
Stofzuign, poetsen, schrobn en vriem'  
Ie könt ter aait met an de gang bliem'  
'k Deenk dat'k ter toch mer is an begin  
Dan krieg ik misschien ok nog wal zin.